



All About Young Children

Information for Families on Children's Early Development

COV NTSIAB LUS HAIS TXOG COV MENYUAM COV HNUB NYOOG

18 lub hlis *txog rau* 36 lub hlis



COV HAUV KEV YUAV LOS KAWM

Cov txuj dabtsi yuav pab cov menyuam kawm?

Kev Qhib Lus rau Cov Hauv Kev Yuav Kawm Ntawv

Cov menyuam yau tsim ntau yam txuj uas yuav pab lawm kawm thiab daws teeb meem. Cov txwj no muaj nrog rau hauv rab peev xwm los mloog txog, tab txawm tias muaj kev cuam tshuam dabtsi, los mus tsom sai, los mus noog lus noog, los mus muab tej ntsiab lus thiab los mus tshawb ntau txoj kev txawv los daws teeb meem. Cov txuj no yog hu ua cov hauv kev yuav kawm ntawv.

Cov menyuam yau kawm los mus siv cov niam tswv yim ua lej xws li tus lej, lub cim, thiab loj los me thaum uas lawv daws teeb meem. Lawv siv tas nrho lawv cov kev xam paub pom txog los sib sau cov ntsiab lus, ras txog cov kev sib txawv thiab kev zoo sib xis, thiab feem ntau los muab sib piv. Lawv maj mam tsom xyuas tib neeg thiab tej yam thiab lawv tsim cov kev xam tswv yim tias yog li cas thiab tsim cov kev twv tias yuav tshwm sim dabtsi ntawm lawv cov kev tsom saib. Thiab lawv ua tej yam kev tshawb fawb ntsuam xyuas yooj yim thiab luj cov kev tshwm sim ntawm lawv cov kev tshawb fawb ntsuam xyuas.

Cov menyuam yau yog ib co ib txwm yeej txawj khawb taub. Cov neeg laus pab txawj cov menyuam txoj kev khawb taub los tau thiab kev muaj sib pib ua tej yam los ntawm kev noog cov menyuam ib co lus noog uas tsis muaj qhov teg yog los tsis yog, muaj kev mloog thiab teb lawv cov lus noog, thiab muab ntau hom khoom siv rau lawv los mus tshawb kev txog. Cov kev txhawb li ntawd yuav pab dag zog rau cov menyuam txoj kev kab ham kom loj tuaj ua ib cov neeg kawm txuj thiab muaj siab kam sib zog los daws cov teeb meem uas cov heev.



Cov txuj dabtsi yuav pab cov menyuam kawm?

COV HAUV KEV YUAV LOS KAWM

Cov Hauv Kev Yuav Los Kawm

Cov Lus Qhib

Cov mosliab thiab cov menyuam me siv tej yam kev txawj dabtsi los daws teeb meem?

Ib txoj kev txawj uas cov mosliab thiab cov menyuam me siv uas tseem ceeb tshaj plaws los daws teeb meem yog lawv lub peev xwm los saib tej yam uas lawv nyiam, txawm tias muaj tej yam phov ib ncig ntawm lawv los xij. Piv txwv tias, cov mosliab tseem ntsia tau lawv tsev neeg lub ntsej muag twj ywm thaum muaj nkauj tso nrov nrov. Cov menyuam me uas laus zog tseem teeb tau cov khoom ua si blocks thaum muaj ib tug neeg nyob ze lawv tais khaub ncaws. Lub peev xwm uas lawv muaj los xav twj ywm txog yam lawv ua yuav pab tau lawv saib ntsoov ua ib yam dabtsi, los cwj tej yam lawv pom cia, ntxiv rau tej yam lawv kawm thiab nrhiav kom tau ib txoj kev los daws lawv cov teeb meem.

- Tej thaum cov menyuam yeej tsoom ntsoov ua tau ntau yam rau ib lub sijhawm.
- Lawv yuav paub thaum lawv muab phau ntawv tso cia nrog cov roj hmab thiab lawv txawj rov mus muab phau ntawv ntawd nqa mus cia rau qhov chaw uas thwj.
- Cov menyuam txawj tshawb thiab nrhiav phau ntawv uas nws nyiam thiab txawj nug ib tug neeg hauv nws lub tsev neeg kom lawv pab muab nyeem rau nws.
- Lawv tshawb tau hauv ib lub tawb nrog cov roj hmab thiab qhia tau rau koj tias nws nrhiav ib tug menyuam roj hmab miv.

Ob peb lub hlis ua ntej lawv muaj 36 hli:

- Cov menyuam ua si tau nrog cov khoom ua si rau ob peb feeb ua ntej lawv hloov mus ua lwm yam.
- Lawv zaum tau twj ywm nrog lawv tsev neeg thaum lawv nyeem ib phau ntawv ua ke.

Cov lus los pab rau cov tsev neeg kom lawv pab tau lawv cov menyuam tsoom ntsoov ua qhov lawv ua:

- Sim ua li qub txhua zaus rau koj tus menyuam me. Txawm tias koj khwv lossis koj cov sijhawm hloov tas mus li, tej zaum koj yuav pab tau yog tias feem ntau koj coj nws mus pw tom qab nej noj sus tag lossis nyeem ntawv rau nws thaum nej yuav mus pw txawm tias koj ua tsis tau txhua hmo los sim li ntawd ntau hmo.
- Koj piav tau tias nej yuav ua dabtsi ntxiv kom pab koj tus menyuam me los npaj tau nws tus kheej mus ua qhov yuav tau ua tom ntej. "Peb yuav mus ua si tom phoj (park) tom qab peb hnav khaub ncaws thiab noj tshais tag."

Thaum uas koj piav hais tias yam dabtsi yuav tshwm sim tom ntej, koj tus menyuam xav tias nws siab ruaj dua thiab tsis ceeb npaum rau tej yam uas tshwm sim ntawm nws lub neej.

- Muab nws cov khoom ua si cia kom yooj yim, piv txwv tias, muab ib lub tawb rau nws cov tsheb, lawm lub rau nws cov khoom sib txuas (blocks) thiab lwm lub rau nws cov roj hmab.
- Rov nyeem cov phau ntawv thiab hu cov nkauj uas nws paub. Txawm tias nws yeej nyiam cov nkauj thiab cov phau ntawv tshiab los, nws tseem nyiam cov nws paub.
- Paub tias koj tus menyuam nyiam ua dabtsi thiab coj nws mus ua ntau yam li qhov uas nws nyiam thiab muab ntau yam khoom los pab txhawb qhov nws nyiam ntawd. Piv txwv tias, yog koj tus



Cov txuj dabtsi yuav pab cov menyuam kawm?

COV HAUV KEV YUAV LOS KAWM

menyuam nyiam ntau nruas, koj yeej muab tau ntau yam khoom rau nws–cov taub qhuav ntim mis lossis taub qhuav ntim kua txiv hmab txiv ntoo, lauj kaub lossis thoob, cov npov thawv ntawv.

Txhua tus menyuam muaj tej uas lawv nyiam ua. Thaum uas cov menyuam muaj cov hauv kev los ua raws li lawv siab nyiam, lawv yuav koom siab los kawm thiab tsim lawv cov txuj ntxiv mus.

allaboutyoungchildren.org